

北430.25
12
1-6

訥河縣志

壬申一月
劉德權題簽

| | |
|-----|---------|
| 卷 | 甲 |
| 理置通 | 一 卷 卷 卷 |
| 地建交 | 二 |
| | 三 |



訥河縣志序

訥河縣志既成邑宰崔君澤生以書來告謂稿成將付梓請爲之序並錄其志目共
有十二列爲六卷每卷各有細目以類相從凡一縣之中應行記載者均已略備十
閱月而歲事亦云速矣昔章實齋有州縣設志科之議蓋深慨其時方志簡陋不足
爲文獻之徵又以事變無窮後來之追溯不若當前之紀述能詳而確也雖其議不
盡可行然守土之吏知方志爲當務之急則裨益於政治者固已多矣夫一縣之地
至廣也一縣之事至繁也良吏下車伊始欲周知境內以施政試一披縣志而瞭如
指掌其愉快爲何如反之如夜行無燭其沉悶又何如推而至於一省若非各縣皆
有完善之志書則一省之通志亦無所取裁吾每慮及此亟盼各縣皆有成書於山
川道路土壤賦則物產氣候寫其實者無訛於農工商業教育風俗社會境况歷史
所經狀其情者無僞繁而不冗簡而能賅爲有體有用之書貽可大可久之業此願
不能一備而幾也則尤盼一縣志書之先成足爲他邑之模範而訥河以書成見告

訥河縣志

卷一序

雙城縣精益書局承印

矣其能如吾意中之所期與否須覽其全書而後知也其能爲他邑之模範與否須
俟諸公論而後定也然創始之艱成功之速固已加人一等矣是爲序

歲在辛未十二月農安萬福麟序

訥河縣志序

志書者所以紀錄一邑一時之事也考紀錄之學創始於三代降及後世因時制宜遂變爲二在封建時代列國籍者謂之史郡縣時代列邑籍者謂之志觀乎此知所差國與邑之分耳故晉之乘楚之檮杌魯之春秋一也一者何異其名而一其事也訥河草萊甫闢設治較晚志書迄未纂修民國紀元十有八年秋崔君澤生來守是邑崔君才識兼優操守堅定誠余僚屬中之矯矯者也現在治訥之政聲昭昭在人耳目人皆知崔君之賢固未知崔君之學雖古之龔黃不是過也計自蒞任以來勤政愛民百廢俱興餘如整頓教育擴充警團以及建設並交通諸要政靡弗汲汲圖之日臻邗理舉凡民間之疾苦地方之隱情尤能鉅細無遺其辦事之敏捷廉隅之自守未易數觀迨二十年歲次辛未春崔君復惕然於是邦之文物典籍夙無可考倘年湮代遠文獻必無足徵乃於公餘之暇創修縣志一書所有訥邑之政治風化及山川古蹟土地珍產等項悉皆分門別類博搜廣集經十月之考查成一邑之典

訥河縣志

卷一序

二

雙城縣精益書局承印

章洋洋乎大觀也則是縣志之修其有益於人文進化表章已往振興將來不綦重哉書成丐余爲序余固樂道之且喜後之覽者必以是志爲考據史學之正錄而崔君從政之才亦可知矣史乘云乎哉邑乘云乎哉

歲在辛未十二月馬占山序

訥河縣志叙

周官課吏三年大比尼山言治三年有成良以百端繫於一身其功效非可以旦夕企及也民國肇造患難孔殷各省官人之典未能劃一或以六月爲一任爲邑宰者均存五日京兆之心整頓未遑瓜期已屆欲求有猷有爲勵精圖治詎不憂憂乎其難哉江省自改革以來未經兵燹任官之法仍因其舊試用知事猶以三年爲期以故各縣多能振刷精神任勞任怨而清慎守法公爾忘私者接踵而起訥河縣長崔澤生自民國己巳秋履新及今辛未已三載矣此三載中興教勸學恤商惠工增警察闢荒蕪絲是百里之內野鮮曠土三尺之童皆知向學盜賊遠颺境無宿獄該縣已熙熙向治矣客歲倡建訥謨爾河鐵橋釀資鉅萬遂成大觀復築沿河南北道路數十里以避潦患行人便之至志乘之作文獻攸關前已無徵近復散佚撰輯良非易易迺呈奉省令設處編纂本年春季開始至歲終經十閱月而告成分門十二別類六十有六秩秩煌煌燦然大備誠巨製也澤生爲余舊掾問叙於余是不能辭聊

訥河縣志

卷一序

三

雙城縣精益書局承印

綴數言以弁卷首

中華民國二十年歲次辛未嘉平月前黑龍江省長于駟興序

訥河縣志序

攷隋唐以前無所謂縣志也自李吉甫撰元和郡縣志後各縣始有專志誠以天下之大千數百縣風俗人事往往囿於隅而殊其習非周咨博訪熟知其利弊得失不足以言治故古之循吏汲汲焉探風問俗惟求其實以利民爲務龍沙僻處邊陲風氣晚開情形特殊與內地各行省迥乎不同關於名勝古蹟逸事遺聞湮沒不彰採訪匪易余於己巳夏忝膺民政知各縣縣志尙多闕如乃承

省府命督飭從事編修而邊荒蕞爾草萊初闢猶有難色昔人謂修史之難無出於志以其關乎風俗人事必求其信而有徵未可以空言自快也崔子澤生才思精密固能以實心行實政者也自宰訥河凡所設施頗多有利於民前年訥河鐵橋成余曾爲文以記其事今以縣志編纂成帙郵書丐序於余分門別類搜采周詳歷十閱月而告成余喜其任事之勇且日後文獻之有徵也遂舉平日之欲以循吏勉我澤生者而書以弁其端

訥河縣志

卷一序

四

雙城縣精益書局承印

中華民國二十年十二月伊通劉廷選序

訥河縣志序

訥河縣位江垣東北嫩江貫其中會訥謨爾河而北平原廣沃闡啓人文雖設治較近殷殷有繁庶之象道路平坦杠梁修治倉廩實民情和則縣長崔君之美政在焉崔君之爲人仁厚質實勇於己之所當爲者不義之利一介未嘗取諸民也蒞任二年矣民國二十年季冬出所修訥河縣志求序於余余受而讀之凡訥邑之形勢沿革禮俗文獻分條晰類瞭如指掌益以見崔君之勤且劬也余嘗謂從政要圖莫重於澄清吏治使爲宰者皆如崔君則曷國不昌使偏僻不能興繁重不能理山林不能啟文獻不能徵又何志之足云方今外侮憑陵邦國淪陷而斯志適成於此時精廛奮勵底濟艱難其必將倍蓰於今時也崔君勉乎哉因序以歸之志是邦兼以志賢令尹也

民國二十年十二月黑龍江財政廳長綏中龐作屏識

訥河縣志

卷一序

五

雙城縣精益書局承印

訥河縣志序

今之學者往往博攷瀛寰侈談重譯而問以鄉里之故實則茫無以對習焉不察可恥孰甚倘數典而不欲忘祖則縣志尙矣訥河崔縣長澤生知其然也乃於民國二十年倡修縣志十閱月而竣將付梓來書勾序於余余維志之關係者宏而由來者久周禮春官小史掌邦國之志外史掌四方之志是知在國爲史在縣爲志縣志者史學之嚆矢也顧不重哉訥河縣位於訥謨爾河之流域於前清宣統元年設治民國二年改縣民之攘攘者多服田力穡之儔官之皇皇然皆招墾勸農之政而文獻闕如今崔縣長創修志乘分門十二都爲六十六類朗若列眉其中縱或事有未備文有未詳亦大略之椎輪江河之濫觴也將來當不難有人繼此而爲之備且詳者吾省之闕也未久縣之有志者寥寥今幸訥河縣而有志並盼不祇訥河等縣而有志而言教育者尤應注意於是幸勿詳於遠而略於邇也林皋才慚樗櫟教掌梓桑當風鶴之驚心爲雪鴻之留爪大好山河空談筆墨不禁感慨係之矣

訥河縣志

卷一序

六

雙城縣精益書局承印

民國二十年十二月鄭林皋序於黑龍江省教育廳

訥河縣志序

志乘之作肇自班書其後國有志省有志郡縣皆有志舉一方之事詳賅於典冊之間賢者於以研求要政瀏覽人文傳當世而誌來茲法至善也崔君澤生宰訥二年度路治山林啓物阜時豐民樂其業凡有以福利邑人者莫不夕以思而朝以力繼之民事起矣政畢舉矣抑懼文獻之不徵也出其餘暇成訥河縣志一書經始於民國二十年三月越十閱月而成爲目十二叙類六十有六余與崔君相友善深識其爲人竊嘗以爲一籍之作要必有其精神以映耀於其冊忠臣孝子之言則洵謹而有容孤臣羈士之言則悲抗而有節老師宿儒之言則典博而可徵良吏循宰之言則翔實而中禮或抒孤奮或據精意樹之風聲垂爲典則千載下猶得彷彿其世其人是志也序次朗列囊括周詳夫固人人得而言之余顧謂崔君精力之所寓鍾讀其書郁郁焉若覽原野之漫沃民生之殷和秩秩乎如見崔君爲政之勤瘁修明也崔君之治績甲於一邦訥邑縣志之成此爲嚆矢澤生固不屑於邀厥名也求其實

訥河縣志

卷一序

七

雙城縣精益書局承印

則在斯乎後之君子可以觀焉

民國二十年十二月宋汝祁拜序

訥河縣志序

我國文化夙著胥賴傳籍之紀載故郡邑之有志猶國之有史也訥邑殖民雖久而縣治之建設較晚以致敷化未周諸待進行已巳夏余友崔君澤生奉令宰訥越年政通人和百廢俱興乃復不自矜假輒以縣志闕如爲憾慨然欲有所作述而未遑及之適余亦奉省令來權權政因契崔君之爲人公暇時相過從不惟深知崔君學品之兼優且愈知崔君爲政之勤且劬矣斯訥民之頌仰廉明謳歌載途者誠有以也辛未春崔君整理庶政均具宏規乃於先勞之餘而有縣志之作書成余索閱一過始知政教禮俗山川道路及土地珍產等項悉皆分門別類訪採詳盡一覽無餘而是書僅取成於十數月之間則崔君之勇於爲政既已加人一等而崔君之治才從可知矣余樂崔君之志有成而喜爲閱者道也於是乎序

歲在辛未十二月襄平關廣平拜序

訥河縣志

卷一序

八

雙城縣精益書局承印

訥河縣志序

昔周官分職少史掌建邦之書外史掌四方之志漢唐而下志地理紀方輿者數百家故後世郡邑之志漸以詳備則是郡邑志乘之記載由來尙矣十八年秋福坤奉檄來訥下車伊始鑒於榛莽初闢凡百建設諸待進行索閱縣志尙付闕如慨然欲有所作述卒以時值中俄戰起簿書鞅掌未暇及此越二年歲次辛未之夏當以庶政粗具規模乃惕然於是邦之文物典籍自前清庚子俄兵到境及民國十年闖匪陷城所有卷檔悉被焚燬無可查攷倘縣志不修將來年湮代遠文獻必無足徵爰呈准

省令在縣政府設處編纂督飭僚屬查案搜編博詢紳耆分類採輯祇以限期迫促未十閱月而全書告成因思昔年之燕史尙須十稔而是書僅取成於十數月之間以之傳世夫豈易言乎哉顧政貴實蹟詞尙體要是編以往事多半失傳不免從略近今則搜羅詳盡記載分明非自炫也其事實俱在不便湮沒耳至於編輯措辭淺

訥河縣志

卷一序

九

雙城縣精益書局承印

陋疏謬勢所難免惟對於國計民生載之不厭其詳關乎世道人心書之曷敢或略善善從長雖一言一行之必錄查訪宜廣即愚婦愚夫亦不遺俾全縣之政教風化暨各項概略一覽即知庶異日之蒞是邦者藉以考鏡續修縣志者亦因之有所依據則爲幸多多矣是爲序

民國二十年歲次辛未十二月訥河縣長義縣崔福坤謹序

訥河縣志

編修縣志各員銜名

纂修

四等嘉禾章五等文虎章簡任職存記署理訥河縣長 義縣 崔福坤

總編輯

前清附貢訥河縣政府第一科長 熱河 叢紹卿

分纂主任

熱河 優級師範畢業 朝陽 胡永權

分纂

前清甲辰進士 法部主事 湖北 賀宗彝

北洋法政學校法律本科畢業訥河縣政府承審員 河北 婁春元

內務部自治模範講習所畢業訥河縣政府第二科長 河北 甯葆恩

訥河縣志

卷一

十

雙城縣精益書局承印

奉天省立第二高中畢業 熱河 李樹魁

河北省立中學畢業 河北 何家麟

採訪

陸軍暫編步兵第二旅旅長 法庫 徐寶珍

前清諸生駐訥官銀號經理 臨榆 劉世忠

前清佐領世襲驍騎校訥河縣徵收局局長 遼陽 關廣平

前清諸生訥河鹽倉倉長 雙城 莫德魁

陸軍第八旅五十三團團長 遼源 周作霖

陸軍步兵二旅參謀長 鐵嶺 彭鍾麟

陸軍步兵二旅副官長 遼源 齊寶賢

陸軍步兵二旅第四團團長 鐵嶺 張競渡

陸軍騎兵二旅第十二團團長 錦縣 宋樹聲

陸軍騎兵二旅第十三團團長 遼陽 李振華
 陸軍第八旅五十三團團附 阜新 王士琇
 黑龍江省立師範畢業學田局總辦 明水 王殿甲
 訥河電報局局長 河北 楊星垣
 湖北法政學校畢業訥河縣電燈廠長 湖北 胡振權
 奉天省立第一中學畢業訥河郵政局長 奉天 金自新
 駐訥官銀號經理 臨榆 羅蔭先
 駐訥官銀號副經理 臨榆 楊殿臣
 吉林高等巡警學堂畢業訥河縣公安局局長 雙城 蒼毓和
 前清候補州同訥河縣財政局局長 法庫 魯鴻權
 黑龍江省師範學校畢業訥河縣教育局局長 訥河 徐萬舉
 前清武庠生訥河縣建設局局長 訥河 呂鴻兆

訥河縣志

卷一

十一

雙城縣精益書局承印

本溪師範學校畢業訥河縣農會正會長 訥河 孟憲日
 前清諸生訥河農會副會長 訥河 石壽山
 前清附生訥河縣商會坐辦 河北 賈元衡
 訥河商會正會長 河北 趙占德
 訥河商會副會長 山東 孫如松
 訥河商會副會長 山西 羅作綸

查輯

黑龍江省立師範學校畢業訥河縣政府荒務股主任 龍沙 張游藝
 密雲縣立師範學校畢業訥河縣政府收發處主任 河北 林鵬
 奉天簿記講習所畢業訥河縣政府統計科員 山東 仇毓瑞
 前清附生訥河縣政府經徵稅契處主任 吉林 馬清廉
 西豐縣中學校畢業訥河縣政府經徵稅契處事務員 開原 何寶賢

熱河師範傳習所畢業訥河縣政府科員 朝陽 叢潤 珊
鳳城縣立中學畢業訥河縣政府司法書記員 鳳城 華鳳 文
文登縣立師範學校畢業訥河縣政府司法科員 威海 劉泉 亭
海城縣立中學畢業訥河縣政府繕狀處主任 海城 趙俊 山

繪圖員

遼中師範傳習所畢業訥河縣政府荒務股辦事員 遼中 肇鳳 周
錦縣中學畢業訥河縣政府荒務股勘丈員 錦縣 龍利 津
黃縣中學畢業訥河縣政府荒務股繪圖員 山東 張天 義

校對員

遼陽師範講習所畢業訥河縣政府荒務股辦事員 遼陽 李述 彭
瀋陽中學畢業訥河縣政府經徵稅契處事務員 訥河 田利 民
四川綿陽縣聯合中學畢業訥河縣政府辦事員 四川 謝廷 俞

訥河縣志

卷一

十一

雙城縣精益書局承印

訥河縣志例言

一事貴徵實是編於清初以前事蹟採自山海經新舊唐書宋史金史遼史元史明史大金國志大清會典滿漢明臣傳龍沙紀略滿洲源流攷黑龍江外紀卜奎紀略呼蘭府志黑龍江述略黑水先民傳八旗通志民國以前兼採東華錄九通攷綏化縣志賓縣縣志及八旗舊檔案私家各著作從無向壁捏造

一各機關事實詳略均依來稿以爲衡詳者不能使略亦猶略者不能使詳也

一郡縣志書原宜古今並重茲書所志詳於今而略於古者以訥河設治較晚既無志事之專書又因案卷被焚復鮮搜羅之根據以致攷徵爲難詳略軒輊誠屬不無闕點

一此書所志因舊案被焚無所攷據故不免偏重於最近之財賦教育吏治交通諸項而建設一項委因新荒甫闢諸待進行往昔原無建設之可言近年以還始開建設之基礎本書紀載近事獨詳者職是故耳

訥河縣志

卷一 例言

十二

雙城縣精益書局承印

一古今縣志以康對山武功縣志爲優茲書定爲十二門綱目粗具條理分明竊比武功縣志之七篇小異大同

一山川主名俱從今稱蓋以本境向無名山大川古書亦無紀載故無舊紀之名稱一志書列表原仿史例以其頭緒紛繁便於檢閱即左圖右史之遺意雖各處縣志多不有表茲亦間用之

一黑龍江省荒徼初闢舊無省志而各書又皆略而不詳此編攷諸紀載者十之二三得之士紳傳說者十之三四實地調查者十之四五

一疆域廣狹今昔攸殊昔時人物事蹟多在布特哈今分爲東西劃分兩縣茲編所列人物均在未分東西布特哈以前故一併摭入從其朔也

一文運升降關乎國運盛衰是編於各類文藝不厭博採冀免文不足徵之弊惟非邑人之題咏不惟不敢濫入且其人非訥邑官吏或所著作無關訥邑事蹟亦概不廁入雖其間列有輓聯似近汎濫但因本邑開闢較晚居民寥落自古迄今從

無文藝之可言意在廣爲搜羅俾後之人披而覽之既得名宦之著作又識本邑之事蹟詞章攷據兼而有之是仿陸氏山東通志之例

一物產豐盈上關國計下繫民生規國者靡不注意是編所列細物不遺非好煩瑣一是編不列天文緣星緯躔度素少精密之推測故僅將晷候附於地理之後蓋其慎也

一人物志中之紳耆均係生存之人其結果如何應俟後日論定故是編僅列名表不加贊詞聊備後來甄采且紳耆之在本邑現有職責者已見於各類之下亦不復贅

一所采碑志石刻不限於遠古後之今即今之昔稍有可存雖今亦錄

一人物一類有由客籍投入本籍者有由本籍寄居他處者是編一併登入惟恐稍有遺漏

一郭造卿在戚將軍幕中搜羅天下書志略備閱十年而成燕史其平日採輯之困

訥河縣志

卷一 例言

十四

雙城縣精益書局承印

難概可想見矣是編限於省令自民國二十年三月起迄十二月底止計期僅十個月而全書告成雖經事前籌備多所採輯但以期限過迫猝然成就實難免遺珠之憾匡正補苴敬俟後之博雅君子



纂修訥河縣長崔福坤肖像



總編輯訥河縣政府
第一科長叢紹卿